

**UGOVOR O NABAVCI USLUGE
-DETEKCIJA PLAGIJATA
za potrebe Erasmus+ projekta „Re@WBC“
LOT. 1.-UNIVERZITET U SARAJEVU**

Redni broj nabavke: 0101-7662-4-1/16

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Kupac)

ID: 4200494560007

i

2. Turnitin LLC, 2101 Webster Street, Suite 1800, Oakland, CA USA 94612, koga zastupa direktor Turnitin, LLC (u daljem tekstu: Dobavljač)

ID broj: 94-3392995

Broj transakcijskog računa: 6743267608 otvoren kod Wells Fargo Bank N.A.

PREDMET UGOVORA

Član 1.

Predmet ovog Ugovora je nabavka usluge-**DETEKCIJA PLAGIJATA** za potrebe Kupca, kao partnera u Erasmus + projektu broj: 561586-EPP-1-2015-1-RS-EPPKA2-CBHE-JP “Enhancement of HE Research Potential Contributing to Further Growth of the WBC Region” (“Unaprijeđenje istraživačkog potencijala u visokom obrazovanju koji će doprinijeti daljem razvoju područja zapadnog Balkana”) (u daljnjem tekstu: usluga), u svemu prema Tenderskoj dokumentaciji broj: 0101-7662-4-1/16 od 30. 12. 2016. godine (u daljem tekstu: Tenderska dokumentacija) i ponudi Dobavljača broj: 0101-2785-2/17 od 21. 04. 2017. godine (u daljnjem tekstu: Ponuda Dobavljača), koji čine sastavni dio ovog Ugovora.

Član 2.

Mjesto izvršenja usluga je online, sve u skladu sa uslovima koji su definisani u tehničkoj specifikaciji.

Član 3.

Ovaj ugovor se zaključuje na period od uzastopne 3 (tri) godine, počevši od dana potpisivanja ovog Ugovora.

Član 4.

Dobavljač se obavezuje da će za potrebe Kupca izvršiti uslugu koja se odnosi na pristup i korištenje web servisa za detekciju plagijata u pisanim dokumentima.

Usluga se sastoji u slijedećem:

- Upoređivanje dostavljenih dokumenata sa naučnim radovima publikovanim u časopisima sa pretplatom slijedećih izdavača: Elsevier, Springer, Wiley Blackwell, IEEE, Taylor & Francis, Sage, American Chemical Society, MIT press, Oxford University press,
- Upoređivanje dostavljenih dokumenata sa sadržajima koje nude vodeći agregatori, kao što su: ProQuest, Emerald, EBSCO and PubMed,
- Upoređivanje dostavljenih dokumenata sa sadržajem open-access časopisa publikovanih na webu,
- Upoređivanje dostavljenih dokumenata sa sadržajem web stranica.

CIJENA

Član 5.

Ugovorne strane saglasno prihvataju cijenu usluge iz Ponude Dobavljača u ukupnom iznosu od: 7000 € bez PDV-a (slovima: sedamhiljada Eura i 00/100).

Cijena usluge iz prethodnog stava obuhvata sve troškove koje Kupac treba da plati Dobavljaču.

Ugovorena cijena iz stava (1) je fiksna i neće se mijenjati za vrijeme trajanja ovog Ugovora.

Član 6.

Dobavljač je saglasan da odmah nakon potpisivanja ovog Ugovora, Kupcu dostavi predračun koji sadrži cijenu usluge bez PDV-a, visinu PDV-a i ukupan iznos uz uključen PDV.

Na osnovu predračuna, Kupac ostvaruje pravo na oslobađanje od PDV-a kod nadležnog organa.

Kupac dostavlja Dobavljaču potpisanu i opečaćenu potvrdu o oslobađanju od PDV-a, nakon čega Dobavljač izdaje fakturu u kojoj je navedena cijena bez PDV-a, imajući u vidu da je usluga oslobođenja plaćanja PDV-a.

Kupac vrši plaćanje predmetne usluge Dobavljaču u roku od (30) trideset dana od dana prijema potpisane i ovjerene fakture.

GARANCIJA

Član 7.

Dobavljač se obavezuje Kupcu da će uložiti komercijalno razumne napore da usluga iz člana 1. ovog Ugovora, u potpunosti odgovara važećim tehničkim odredbama navedenim na internet adresi: www.turnitin.com

Član 8.

Ako Dobavljač svojom krivicom, a ne zbog djelovanja više sile, ne izvrši predmetne usluge u skladu sa uslovima koji su definisani u tehničkoj specifikaciji, navedenoj u članu 2. ovog ugovora, Kupac ima pravo raskinuti ovaj Ugovor prema Turintinovom Ugovoru o registraciji.

ZAVRŠNE ODREDBE

Član 9.

Kupac ima pravo jednostrano raskinuti ovaj Ugovor u slučaju:

- ako Dobavljač kasni sa isporukom usluge, bez opravdanog razloga,
- ako pružene usluge ne odgovaraju tehničkim pravilima i standardima propisanim za ovu vrstu usluga i kvalitetu navedenom u Ponudi Dobavljača,
- nedostatka sredstava za realizaciju ugovora i
- da pošalje Dobavljaču obavijest o raskidu ugovora 30 dana prije raskida, kako bi dobio povrat uplaćenih sredstava umanjениh do dana raskida
- Za izbjegavanje sumnja, ovo je jedini slučaj raskida ugovora unutar kojeg Kupac može dobiti povrat unaprijed uplaćenih sredstava.

Član 10.

Ugovorne strane su saglasne da sve eventualne sporove rješavaju dogovorom. Usluge koje se izvršavaju ovim Ugovorom će se voditi zakonima Sjedinjenih Američkih Država i Savezne države Kalifornija, isključujući pravila o sukobu zakona.


Član 11.



Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

Ovaj Ugovor je sačinjen na engleskom i bosanskom jeziku. U slučaju razlika između engleske i bosanske verzije, primjenjivat će se engleska verzija.

DOBAVLJAČ

KUPAC
Univerzitet u Sarajevu


.....*
* Laura DiPiano, kontrolor, za Chris Carena



Rektor
Prof. dr. Rifat Škrijelj
Broj: 0101-7662-8-1-LOT.1./17
Sarajevo, 05.06.2017

Broj: _____

Datum 26 June 2017

